



Protokoll

Leidandmed	EAA.3369.1.1
Kaader	59
Datum	18.03.1868
Protokoll number	27
Protokoll teema	8. Varavastased kuriteod; 9. Sõim ja vägivald; 10. Muud üleastumised
Märkused	

Kahkwal sel 18 Märzil 1868.

Ette tuli Jakob Hüssi naine Marri ja üteli, et sel 5tal Januaril s.a. om temma mõisa perre tarre man röa jahhu maan leidnu, ja se jahhu tee om treppi pidu ülles lännu ni kauwa kui Writs Parmani tarre ja Writs Parmani welli Jakob om ka neid jahhu kaenu ja ütelnu, et ne selge röa jahhu omma ja om weel omma sössart wandma nakanu ja ütelnu, kos teije neid jahhu ollete winu.

Ette tuli kubbijas Jürri Lindok ja üteli, et temma ka neid jahhu kaenu olli mes sääl maan olli ollu, et ne selge röa jahhu ollu ja om ka wallitseijale ütelnu, ja perrast Writs Parmani käest küssinu kost temma ne jahhu olli saanu, Writs om ütelnu, et temma allast weske mant põlle pääle pandma, ja Jürri üteli, et temma suuga neid jahhu maitsnu olli et ne selge röa jahhu olluwa.

Hendrik Leppind üteli, et Writs Parman om temma käest küssinu kas tarre man lärmi kulit, ja ütelnu minna tõin kül 1/3 wak ossa põllega weske mant, ja ülle põlle werde olli jakku mahha lännu.

Ka üteli Hendrik Leppind, et Writs Parman om Dezembri kuul wiinakoa mant kartohwit põllega henda tarre mannu winu ja sedda om Mihkel Hanson ka nännu.

Ette tuli Gusta Leppind ja üteli, et Dezembri kuul om tedda Writs Parmaniga piretusega Meeksi mõisa sadetu sis om Writs Suure Wirksu külla kohhal hamile mulgu sisse tennu ja säält Kuuksi lännuwa ja sääl jonuwa, sis Puskimäele sääl ka jonuwa ja säält ödagus Meeksi jõudnuwa kui jo pimme om ollu. Aidamees om kül leidnu, et ham om ligge ollu, ent ei olle pimmega mulgu ülles leidnu.

Ka kaiwas Mihkel Runing, et Writs Parman minnewa suwvel Tartu linan üttele penni kotti ajanu ja ärra warrastanu.

Kubbijas Jürri Lindok kaiwas weel, et Writs Parman om tedda se süggisi pä weddamise man (pesnu) lönu ni et suust ja ninnast werri wälja om tullu, Jürri om tahdnu kohtu ette tulla ent wallitseja ei olle (lasknu) aiga andnu.

Tunistaja Hendrik Leppind üteli, et nemma om päid weddanu ja Writsil om hobbene

ollu pikkalt ette pantu ja kubbijas om Writsi törrelnu ja kui rehhe mannu om jäänuwa om, sis om kubbijas Writsi öllast tõmmanu ja ütelnu, minne töö mannu, sis om Writs kubbijale ni lõiganu, et suust ja nõnnast werri wälja om tullu, ja kui weel kõrda om lönu, sis om kubbijas mahha saddanu.

Tunistaja **Gusta Leppind** ütelnu ka ni samma kui jo Hendrik kõnnelnu olli.

Et kaibaja kohtu es otsi jä se assi saisma